



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Ecclesiae Paderbornensis

Dietrich <Paderborn, Bischof>

Paderbornae, 1602

Instructio pro Sacramento Confirmationis.

urn:nbn:de:gbv:23-drucke/s-483a-2f-helmst3

INSTRVCTIO PRO CONFIRMATIONIS SACRA- mento, de his, quæ agenda sunt sacerdoti parochio.

L Vanquam Confirmationis sacramentum parum videatur pertinere ad Pastores, cum solus Episcopus sit eius ordinarius Minister, Pastor tamen est populum cohortari & præparare, vt post baptismum ad eius piam & dignam susceptionem festinat, quo plene Christiani inueniantur; & corda eorum ad illud robur dilatentur.

2. Confirmationis Sacramentum inde nomen habet, quoniam qui baptizatus est, cum ab Episcopo sacro Chrismate ungitur, accepta noua virtute, firmior, & perfectus Christianus esse incipit.

DE MATERIA.

3. Materia huius Sacramenti est Chrisma, ex oleo & balsamo confectum, & Episcopi consecratione, ex Christi institutione, teste Fabiano Pontifice & martyre, sanctificatum. Olcum, quod pingue est & diluet, gratiam à Christi capite manantem significat. Balsamus, cuius odor iucundissimus est, & contra putrefactionem valet, declarat suauitatem virtutum, quæ in Confirmatione conferuntur, quibus fideles à peccatorum sordibus defenduntur, & famam odoremque sanctæ vitæ cum maximorum ædificatione diffundunt.

DE FORMA.

4. Forma: Signote signo crucis, & confirmote Chrismate salutis, in nomine Patris, & Filij, & Spiritus sancti.

DE MINISTRO.

5. Ordinarius Minister est Episcopus: nam Cum au-

F

dissent

dissent Apostoli, qui erant Hierosolymis, quia receperat Samaria verbum Dei, miserunt ad eos Petrum & Ioannem. Qui cum venissent, orauerunt pro ipsis, vt acciperent Spiritum sanctum. Tunc imponebant manus super eos, & accipiebant Spiritum sanctum. Act. 8. Et cum imposuisset manus illis Paulus, venit Spiritus sanctus super eos. Act. 19.

DE PATRINIS.

6. Adhibetur in hoc Sacramento Patrinus eodem modo, quo in Baptismo fieri debere dictum est; nam sicut noui milites in bellis corporalibus duce aliquo vtuntur, cuius consilia sequantur; sic in spiritali militia descensurus in certamen, duce ac monitore eget.

7. Eadem autem & eodem modo contrahitur cognatio spiritalis matrimonium impediens, & dirimens iam contractum, sicut ante de Baptismo dictum est, vt scilicet cognatio huiusmodi solum sit inter Patrinos & Confirmatum, illiusq; patrem & matrem, nec non inter confirmantem & confirmatum, confirmatiq; patrem & matrem, vt statuitur in **Conc. Trident. sess. 24. de refor. matrim. cap. 2.**

8. Non confirmatus, non debet esse Patrinus, aut tenere alium ad Confirmationem; nec excommunicatus, nec hereticus, nec publicè criminosus, De conf. dist. 4. can. 102. In baptisate.

9. Quilibet confirmatus potest non confirmatum tenere eiusdem vel alterius sexus, nisi quod vir uxorem suam, nec vxor virum suum tenere non possit; quia contraheretur cognatio spiritalis, impediens vsum matrimonij.

10. Plures Patrini esse non debent, can. Non plures. de consec. distinct. 4.

DE AETATE ET QUALITATE
CONFIRMANDORVM.

11. Omnibus fidelibus post baptismum Confirmationis sacramentum administrari potest, expedit tamen expectari

usum rationis, qui ante septennium communiter non apparet: nam pueri, qui eo carent, ad pugnam spiritualem nondum sunt idonei. Si qui verò iam adulti ætate confirmandi sunt, si ex hoc sacramento gratiam consequi volunt, cum pœnitentia & detestatione præteritorum peccatorum accedere debent, & non solum à Pastoribus ad Confessionem, sed etiam ad ieiunia, & alia pietatis opera cohortandi sunt, ut quibus non nisi ieiuni hoc Sacramentum suscipiant, iuxta laudabilem antiquæ Ecclesiæ consuetudinem. De qua can. *Vt ieiuni. de consec. distinet. 5.*

DE EFFECTV. CONFIRMATIONIS.

12. Dignè suscipientibus gratia confertur, & peccata, quæ cù gratia nullo modo esse possunt, remittuntur. Gratia baptismatis perficitur & augetur, ut timore & pudore deposito gaudeant etiam pro Christi nomine pati, ut patet exemplo Apostolorum, qui cum in passione fugerent, in die Pentecostes induti virtute ex alto, & repleti Spiritu sancto, inter tormenta & contumelias gloriabantur. Nam, ut ait Melchisedes Papa, In Baptismate homo ad militiam recipitur, & Confirmatione armatur ad pugnam: in Baptismo abluimur, post baptismum roboramur; Baptismus regenerat ad vitam, Confirmatio instruit & armat ad agones & victoriam.

13. Imprimitur præterea Character: quare nullo vnquã tempore iterari potest, & hoc caractere tanquam signo quodam distinguitur Christianus à gentili, ut in Baptismo, sed hic fortis Christianus, & bellator ab imbelli, & miles ab eo, qui nondum est idoneus ad militiam.

DE CAEREMONIIS ET RITIBVS

huius Sacramenti.

14. Signum crucis fronti ab Episcopo imprimitur, tanquam symbolum militiæ Christianæ.

15. A lapa maxilla leuiter percutitur, ut meminerit Christianus miles inter persecutiones & opprobria Hæreticorū

Cathech
Roman.
ad Paro.
de Con-
fir. c. 4.

In Epif.
ad Hils.

& aliorum persecutorum atq; infidelium, Christi nomen esse liberè profitendum & prædicandum.

De cõf.
diftin. 4.
canõ Si
quis vo-
luerit.

16. Confirmati frons fascia linea, propter reuerentiam Chrismatis, tridud circumligatur: quo peracto sale & aqua lota fronte, eadem fascia per Sacerdotem (si haberi potest) soluitur & comburitur, sed nec in ligando, nec soluendo vlla affinitas aut cognatio contrahitur. Et meminerint hoc frontis velum, sicut & mysticam alapam, symbola esse, animi ad omnia opprobria & aduersa parati, pro nomine Christi, cuius facies velata est, & alapis caesa.

17. Qui baptizatum Episcopo ad hoc Sacramentum sistant, monentur, vt monitoris & Ducis militiæ sacræ vice subeat: is autem qui sistitur Christianus, sciat ita se perfectionem per gratiam Spiritus sancti assecutum; vt tamen non sibi fidat, sed aliorum proeectorũ consilia libenter audiat & amplectatur ad bonum fidei certamen certandum.

18. Præmoneat Parochus consignandos, vt à loco Sigilli sacri nõ recedat, nisi vltima Episcopi benedictione percepta.

Hæc à Pastoribus populo maximè circa festum Pentecostes, & quando Episcopi aduentus ad Confirmationis sacramentum administrandum expectatur, diligenter exponenda sunt, vt tanto diligentius & cupidius ad tantam gratiam sese præparet.

MODVS ABLVENDI DESICCATVM

Chrisma tertio die post susceptam Confirmationem.

Sumat N. sal, & aquam mundam fundat in peluim, & dicat:

Adiutorium nostrum in nomine Domini.

R. Qui fecit cælum & terram.

Sit nomen Domini benedictum.

Resp. Ex hoc nunc & vsq; &c.

Hic mittat fasciã, qua frons fuit ligata, in aquã, & huiusmodi madida fascia lauet frontẽ Cõfirmati faciendo cruce, dicẽs:

Ab omni immunditia mentis & corporis

mundet